

Фикҳ 177-дарс. Салом лафзи ва витрининг қунути



18:31 / 17.03.2022 3975

Намоздан «салом» лафзи ила чиқиш вожибдир.

Бунинг далиллари қуйидагича:

حَاتِفِمَ «لَا قَوْلَ مَلَسَ وَهُوَ يَلْعَنُ الْجَلَّالَ صَبَّيْنَا نَعُ، نَعْنَعُ الْجَلَّالِ يَضْرِبُ يَلْعَنُ
دَوَادُ وَبَأْ هَاوَرِ. «مَلَسَ لَ الْجَلَّالِ لِحَتَو، رِيْبُ كَتَلَا هُمَ يَحَتَو، رُوْهُ طَلَا لَ الصَّلَا
يُذَمَّرُ لَ أَوْ»

Али розияллоху анхудан ривоят қилинади:

«Набий соллаллоху алайҳи васаллам:

«Намознинг калити покликдир, унинг (бошқа ишларни) ҳаром қилувчиси такбирдир, ҳалол қилувчиси эса саломдир», дедилар».

Абу Довуд ва Термизий ривоят қилишган.

Расулulloх соллаллоху алайҳи васаллам доимо намознинг охирида салом берганлари кўплаб ҳадисларда ривоят қилинган.

Энг ози – икки марта «Ассалому», дейиш. Мукаммали – «Ассалому алайкум ва роҳматуллох», дея ўнг ва чап тарафларга қараш.

Имом салом берганда ортидаги намозхонларни, ҳафаза (сақловчи) фаришталарни ва аҳли солиҳ жинларни ният қилади.

Муқтадий ўз саломи ила имомга алиқни ва қавм ҳамда ҳафаза (қўриқчи) фаришталарни ва аҳли солиҳ жинларни ният қилади.

Якка намозхон саломида фаришталарни ният қилади.

Иккинчи саломида овозини биринчисидан кўра бир оз пасайтиради.

Муқтадийнинг саломи имомнинг саломидан бевосита кейин бўлади.

Витрнинг қунути

«Қунут» луғатда «дуо» ва «тазарруъ» маъносини англатади.

Шариатда эса намозда рукуъдан олдин ёки кейин туриб, Аллоҳ таолога илтижо қилиб, ёмонликни даф қилиш ёки яхшиликни жалб қилишини сўрашдир.

Ҳанафий мазҳаби бўйича, витр намозида қунут дуоси ўқилади. Намозхон витр намозининг учинчи ракъатида қироатни тамом қилганидан сўнг намозни бошлашдагига ўхшатиб такбир айтиб, икки қўлини кўтаради. Сўнгра қўлларини киндиги остига қўяди ва қунутни ўқиб, кейин рукуъга кетади.

Ҳанафий мазҳаби бўйича, витр намозида доимо, мусибат тушганида эса қироатни ошкора қиладиган намозлардагина қунут ўқилади. Бомдод намозида қунут ўқиш мансук бўлган.

تَنْقِمْ لَسَوْءِهِ لَعَلَّه لِيُصَلِّيَ لَنَا نَأْتِ لِقَائِهِ لَعَلَّه لِيُضَرِّدُ عَسَمَنْ نَبِيْنَا ع
عَبَّيْشَ نَبِيْنَا وَنَارَبَّطَلْأَوْ رَأَزَبَلْأَوْ أَوْرُةَ كَرَّتْ مُثْ أَرْهَ شَرْجَ لَعَلَّه لِيُصَلِّيَ
لِيُوَاحِّطَلْأَوْ

Ибн Масъуд розияллоҳу анҳудан ривоят қилинади:

«Набий соллаллоҳу алайҳи васаллам бир ой бомдод намозида қунут ўқиб, сўнгра тарк қилдилар».

Имом Баззор, Табароний, Ибн Абу Шайба ва Таҳовий ривоят қилишган.

Икки ийднинг такбирлари

Рамазон ва Қурбон ийдларининг зоида такбирларини айтиш вожибдир, чунки Расулуллоҳ соллаллоҳу алайҳи васаллам доимо уларни айтганлар ва ўз умматларига буни ўргатганлар.

«Кифоя» китобининг биринчи жузи асосида тайёрланди